



Newsletter Luigi and Natasha Mathilda

Yanüari 2020

3900 Swiss Avenue, Apt. 917
Dallas, Texas, 75204

MCB 15281910

luigi.mathilda@gmail.com

+1 682 230 8578

Rumannan den Kristu, famianan i amigunan stimá, risibí un kaluroso saludo di nos parti! Nos ta gradisí Dios kada bes ku nos kòrda riba boso pidiendo semper ku goso den nos orashonnan pa boso tur. Danki pa boso fiel sosten den nos preparashon aki na Dallas Theological Seminary.

Den e aña ku a pasa nos a sigui wòrdu di strèch no solamente akadèmikamente, ma tambe práktikamente i no menos importante personalmente. Pa loke ta e area akadémiko nos por a studia e siguiente materianan.

Materianan Spring, Summer i Fall Semèster 2019

Durante primavera 2019:

1. Trinitarianism (Dòktrina di Dios i Trinidad);
2. Old Testament History I (Eksposishon di e bukinan di Genesis te ku Huesnan);
3. Christian Life and Witness (Bida Kristian i Evangelismo).
4. Elements of Greek II (Elementonan di Griego II).

Den zomer 2019 Luigi a studia New Testament Introduction (Introdukshon di Tèstament Nobo) i Introduction to World Missions (Introdukshon na Mishon Mundial).

FECHANAN IMPORTANTE:

Spring Semester: 14 Yanuari - 8 Mei 2020

Finals week: 4 - 8 Mei 2020

Summer School: 11 Mei - 7 Ougùstùs 2020

"Ma nos tur, ku kara sin velo, mirando manera den un spil e gloria di Señor, ta wòrdu transformá den e mesun imagen di gloria pa gloria, manera dor di e Spiritu di Señor."

2 Korintionan 3:18

Tasha a audit Theology and Pop Culture (Teología i cultura pop).

Durante hèrfst 2019 nos a studia e siguiente materianan:

1. Old Testament History II (Eksposishon di e bukinan di 1 Samuel te ku Job, Provèrbionan te Kanto di Salomon);
2. Angelology, Antrophology and Hamartiology (Dòktrina di angelnan, kreashon, hende i piká).
3. Intermediate Greek (grámatika di Griego II).
4. Pastoral Counseling (konsehería pastoral).

Nos a wòrdu bendishoná ku un komprondementu mas profundo atraves di kada un di e materianan aki. Pa menshoná un aspekto ku mas a resaltá ta pa por a bin mira e bunitesa superior di Dios ku ta eksistí eternamente den un komunión perfekto marká ku un amor inkoruptibel entre tres Persona, Kendenan ta igual den Gloria, distinto den sentido relashonalmente, ma uní den un esensia divino. E unidat di Dios aki a sigui sobresalí lesando Beibel den su konteksto literal mientras ku nos ta siñando kon kada buki di Beibel ta kontribuí na e storia ku Dios a revelá den Skrituranan. Realmente e aspekto aki di unidat den diversidat ta esun ku mas a resaltá, pasobra esaki ta duna nos e struktura fundamental pa por kologá den dje tur sobrá faseta di e fe Kristian ku a wòrdu depositá dor di e apòstelnan i profetanan den Skrituranan.

Komo parti di e kurso tokante bida Kristian, ma hasi uso di e oportunidat pa por a testífika tokante di Kristu na 6 persona durante e lunan mart i aprel 2019. Pa e kurso tokante mishon mundial mi a hasi uso di e oportunidat pa a drenta un dialogo ku un persona for di un kultura diferente for di mi mes pa riba un base di amistad haña entrada pa por a kompartí e evangelio ku un persona ku mi a logra kòmbersa ku ne for di India den e temporada di mei pa ougùstùs 2019.

Na desèmber 2019 nos a logra pasa un tersera parti di e estudio ku mi ta hasiendo na seminario di Dallas. Nos ta na 43 ora di krédito di e total di 120 ora ku mester pa terminá e programa kompletu.



DTS Spring party 2019

Spiritual Formation

Na luna di ougùstùs 2019 mi a wòrdu aserka dor di e departamentu enkargá ku Formashon Spiritual di Dallas Seminary pa ta líder di un small group pa kana huntu ku 3 otro estudiante di seminario pa pasa dor di un kurikulum pa formashon spiritual tratando témanan manera nos identidat den Kristu, bida Kristian ku otro den komunidad, integridat i fieldat. Durante e lunanan di sèptèmber pa desèmber 2019 nos a logra trata e prome tema tokante di identidat riba un base semanal ku tabata asigná pa a wòrdu kubrí den Fall semèster. E ehersisionan hasiendo refleksion semanalmente tokante di e tema aki den konteksto di Dios Su palabra, Su hendenan, i den presensia di Señor mes, tabata di gran bendishon pa mi por a bin wòrdu mihó ankrá den e identidat bèrdadero ku Dios mes a duna na kada un kreyente den Kristu. Mi ta gradisído tambe di por a bin mira áreanan manera e tendensia di proba unu su mes dor di prestashon komo un identidat falsu.

Agape project

Durante sèptèmber i novèmber 2019 mi a tuma parti den e proyekto di seminario yamá "Agape". E proyekto Agape ta un oportunidat pa siña dor di eksperiensia dor di sirbi persónanan ku ta den nesesidat. E ta un oportunidat pa mustra kompashon na otro den práktika. Komo parti di mi programa di estudio mi mester partisipá na dos proyekto Agape. Pa mi promé proyekto mi por a yuda un pastor, ku ta deshabilitá, den su ministerio na otro persónanan deshabilitá ku transporte i kompañó durante bishitanan pastoral na miembronan di nan iglesia, Bartimaeus Baptist Temple. E proyekto aki a hala mi atenshon pa mira persónanan ku un deshabilitashon físiko tambe komo mi próhimo i mi ta gradisído di por a wòrdu toká ku apresio dor di a duna e regalo di bishita personal na otro.



Agape project - Bartimaeus Baptist Temple

SWIM

Seminary Wives in Ministry (SWIM) ta e ministerio di DTS ku ta dediká na ekipá e esposanan di e studentenan di DTS. Den primavera 2019 Tasha a djòin e SWIM board i ta sirbi komo sekretaria.



SWIM Board

Den fall semèster el a kuminsá ku e programa di estudio personal. E programa ta rekerí pa lesa 4 buki den 4 area, ku ta Beibel i Teología, Ministerio, Matrimonio i Famia i Desarrollo Personal. En total mester lesa 16 buki. Komo partisipante bo ta wòrdu di koppel na un Faculty Wife Advisor ku ta monitor bo progreso.

Tasha a keda asistí small groups di SWIM. Nan ta studiando e buki "Trusting God", di Jerry

Bridges durante Fall semèster 2019 i Spring semèster 2020.



Swim Fall Kickoff 2019



SWIM International Wives Small Group

Iglesia

Na luna di yùni iglesia (The Heights Baptist Church) a organisá Vakantie Beibelschool pa muchanan di 4 pa 12 aña. Nos a haña oportunidat di sirbi muchanan entre 7 pa 8 aña durante VBS dunando lès tokante di E Super Heroe máksimo, Kende a bin pa buska i salba esnan ku ta pèrdi. Nos por a mira varios muchanan den nos grupo i otronan bini na Kristu durante di VBS.

Tambe nos a wòrdu aserká pa sirbi djadumingu komo lider di small groups di muchanan entre 8 pa 9 aña di edat den e ministerio di mucha na iglesia. Nos a kuminsá sirbi na sèptèmber 2019.



VBS - The Heights Church

Tasha a tuma parti komo hostess den e evento anual evangelístiko di Pasku yamá "Three Trees", durante kua e iglesia ta duna regalo na muchanan di menos rekursu i ta presentá e Evangelio na e muchanan i nan mayornan. E aña aki e tema tabata Winter Wonderland, e tabata un evento kaminda e famianan invitá por a bishitá "stations" rònt inglesia kaminda tabata tin diferente aktividat ku nan por a hasi. Algun ehèmpel ta: station di obra di man, ice rink, candy shop, live nativity i "build a bear".



Three Trees – Winter Wonderland – Craft station



Three Trees - Winter Wonderland - Build a bear station



Three Trees – Respòn na e evangelio

Materianan Spring 2020

E semèster aki nos ta tumando e siguiente materianan:

1. Soteriology (Dòktrina di Salbashon);
2. Old Testament Prophets (eksposishon di Profetanan den Tèstament Bieuw);
3. Introduction to New Testament Exegesis (Introdukshon exegesis Tèstament Nobo na Griego);
4. Expository Preaching, I (Predikamentu Ekspositorio I).

Tasha ta tumando tambe Effective Ministry with Women (Ministerio efektivo pa hende muhé).

Desaroyo personal

Banda di e kurikulum akadèmiko i práktiko, nos ta gradisído tambe na Dios Su kurikulum di bida dor di kua nos a sigui wòrdu di strèch pa konfia Dios den nos bida aktual komo estudiante internashonal tempu kompletu na seminario. No solamente nos por a bin mira Dios Su provishon finansiero atraves di scholarships ku a yuda nos kubri aproksimadamente 60% di e kosto pa studia na e seminario aki den e temporada di Fall 2019 i Spring 2020, ma tambe mi por a bin konosé un mihó balansa kombinando trabounan di skol, ministerio i bida pafo di seminario, hasiendo ehersisionan físiko i kuidando tempu huntu komo pareha dor di un dependensia mas grandi riba e Grasia di Dios.

Risibí un saludo kordial den Kristu,

Luigi i Tasha Mathilda

PETISHONNAN DI ORASHON I GRADISIMENTU

1. Gradisí Dios pa Su provishon i yudansa.
2. Pa sabiduria i pèrseverensia pa Luigi pa e semèster por bai bon.
3. Pa Dios warda nos den bon salud.
4. Pa Dios por sigui provee e yudansa finansiero ku tin mester pa kubri gastunan di seminario i bibienda den e temporada di Summer 2020, Fall 2020 i Spring 2021.
5. Pa nos por tin sabiduria pa mantene un bon balansa entre bida na seminario i bida pafo di seminario.
6. Pa nos por sigui wòrdu stablese den un bon komprondementu enkuanto e diferente fasetanan di e fe Kristian i esaki no solamente kognitivamente, ma tambe volishonalmente for di un kurason kresiendo den konosementu di Dios.
7. Pa Dios Su guiansa pa Luigi skohe e énfasis di e programa di estudio na seminario.

